



Broj: 05/2-11/3-2544/23

Velika Kladuša, 21.11.2023. godine

Na osnovu člana 70. stav i člana 69. Zakona o javnim nabavkama („Službeni glasnik BiH“, broj: 39/14 i 59/22), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku roba - materijala za popravke i održavanje vozila Općine Velika Kladuša – sukcesivna isporuka, a po preporuci Komisije za javne nabavke, Općinski načelnik Općine Velika Kladuša, donio je

ODLUKU
o dodjeli ugovora

1. Prihvata se ponuda ponuđača **AUTOMELKA d.o.o. Velika Kladuša, sa ponuđenom cijenom od 9.972,65 KM bez PDV-a**, dostavljena Ugovornom organu po JN broj: 299-7-1-33-3-33/23 od 26.10.2023. godine, te se Ugovor o javnoj nabavci materijala za popravke i održavanje vozila Općine Velika Kladuša – sukcesivna isporuka, dodjeljuje imenovanom ponuđaču.

2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.

3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14 i 59/22).

Obrazloženje

Na osnovu Plana javnih nabavki Općine Velika Kladuša za 2023. godinu, broj: 05/2-11/3-796/23 od 25.04.2023. godine, pokretnut je dana 25.10.2023. godine postupak javne nabavke materijala za popravke i održavanje vozila Općine Velika Kladuša – sukcesivna isporuka. Procijenjena vrijednost nabavke iznosi 11.620,00 KM bez PDV-a.

Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-7-1-22-3-22/23 objavljeno je na Portalu javnim nabavki (ejn.gov.ba), dana 26.10.2023. godine.

Krajnji rok za dostavljanje ponuda bio je 17.11.2023. godine do 12:00 sati, a javno otvaranje ponuda izvršeno je 17.11.2023. godine u 12:15 sati, što je konstatovano Zapisnikom sa otvaranja ponuda od 17.11.2023. godine. .

Komisija za javne nabavke u Izvještaju nakon otvaranja ponuda broj: 299-7-1-33-3-33/23 od 26.10.2023. godine konstatovala je da je Tendersku dokumentaciju preuzelo 5 (pet) ponuđača, a da je nakon isteka krajnjeg roka za dostavljanje ponuda pristigla 1 (jedna) ponuda i to:

1. AUTOMELKA d.o.o. Velika Kladuša, sa ponuđenom cijenom od 9.972,65 KM bez uračunatog PDV-a,

Nakon izvršenog otvaranja ponude Komisija je pristupila analizi dokumentacije priložene uz ponudu u smislu njene validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponude, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponudu Komisija je utvrdila da ponuda ponuđača AUTOMELKA d.o.o. Velika Kladuša, u iznosu od 9.972,65 KM bez PDV-a, ispunjava formalno-pravne i tehničke zahtjeve Ugovornog organa, te je kao takva prihvatljiva i može biti predmet vrednovanja u sistemu e-aukcije. Obzirom da je u krajnjem roku za dostavljanje ponuda pristigla samo jedna ponuda, e-aukcije se u ovom postupku javne nabavke neće provoditi.

Shodno navedenom, Komisija za javne nabavke dala je Općinskom načelniku preporuku da donese Odluku o dodjeli ugovora za nabavku materijala za popravke i održavanje motornih vozila Općine Velika Kladuša – sukcesivna isporuka, dodijeli ponuđaču AUTOMELKA d.o.o. Velika Kladuša, sa ponudenom cijenom od 9.972,65 KM bez uračunatog PDV-a, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

DOSTAVITI:

1. Učesniku u postupku,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.

OPĆINSKI NAČELNIK

Fikret Abdić, dipl.ing.

